



Escola Galega da Paisaxe
Juana de Vega

Premio Juana de Vega de Intervencións na Paisaxe

BASES

MOTIVACIÓN

O Premio Juana de Vega de intervencións na paisaxe xorde do convencemento de que a paisaxe é un elemento fundamental do patrimonio de calquera sociedade humana por incidir directamente na súa riqueza cultural e benestar físico, mental e social, e por ser un recurso socioeconómico de enorme potencial. Para poñer en valor e axudar a mellorar a calidade paisaxística do territorio, a Escola Galega da Paisaxe da Fundación Juana de Vega, convoca este premio conforme o seguinte:

OBXECTO

O Premio é un recoñecemento a aquelas intervencións no patrimonio natural e construído que contribúan a mellorar a calidade dos elementos que configuran a paisaxe de Galicia e sirvan de referencia social para futuras intervencións.

CATEGORÍAS

A) Intervencións en espazos exteriores

Recoñecemento a aquelas intervencións realizadas en espazos exteriores.

B) Intervencións privadas no patrimonio construído e a súa contorna.

Recoñecemento a aquelas intervencións destinadas a recuperar o patrimonio construído e a posta en valor da súa contorna.

C) Intervencións edificacións e instalacións produtivas.

Recoñecemento á calidade construtiva e correcta integración paisaxística de edificacións e instalacións vinculadas con procesos produtivos no medio rural.

VALORACIÓN

Dentro da súa liberdade para tomar decisións, e das categorías establecidas para cada premio, o xurado deberá valorar os seguintes aspectos:

- A calidade da intervención e a súa contribución á mellora da paisaxe.
- A incorporación de criterios de sostibilidade, uso racional dos materiais, estratexias de proximidade e economía circular.
- A adecuación da intervención realizada aos usos previstos.
- A capacidade da obra de converterse nunha referencia social.

PERIODICIDADE

O premio convocarase anualmente durante o primeiro cuadrimestre do ano, dedicando cada anualidade a unha das tres categorías de premio establecidas.

Na convocatoria estableceranse os prazos de presentación de candidaturas, que deberán estar constituídas, para a categoría A) e B) por intervencións que fosen acabadas dentro dos tres anos naturais anteriores a aquel no que se realiza a convocatoria. O prazo será de oito anos para as intervencións que se presentan á categoría C).

CANDIDATOS

En función da categoría poden ser candidatos ao premio:

Categoría A e C) Autor/es do proxecto ou da intervención; o promotor pode ser unha persoa física ou xurídica de natureza pública ou privada.

Categoría B) Autor/es do proxecto ou da intervención; o promotor pode ser unha persoa física ou xurídica de natureza privada.

As candidaturas poden ser presentadas polo autor/es, polo promotor ou por un terceiro, incluídas asociacións ou outras entidades que teñan coñecemento de intervencións que, ao seu xuízo, poidan ser merecedoras dos premios.

O xurado poderá premiar proxectos que non se presentaron á convocatoria se estima que o merecen.

DOTACIÓN

As tres categorías do Premio terán unha dotación económica de 6.000,00 € cada unha. Se o considera pertinente, o xurado poderá repartir o valor económico do premio entre os autores e o promotor, podendo percibir este último non máis do 50% do mesmo.

A criterio do xurado, poderán concederse tamén dous accésits, dotados cada un deles cunha cantidade económica de 1.500€.

Os autores das intervencións galardoadas recibirán un diploma acreditativo e os promotores unha placa de recoñecemento.

Os traballos premiados serán difundidos a través da web da Fundación (www.juanadevega.org), redes sociais, prensa xeneralista e medios especializados.

XURADO

O xurado, para cada categoría, estará formado por:

Categorías A) e B)

Dous arquitectos ou arquitectos da paisaxe de prestixio nomeados pola Fundación Juana de Vega e catro representantes de diferentes ámbitos profesionais relacionados coas intervencións na paisaxe e o territorio, a arte e a cultura. Ademais formarán parte do xurado, como mínimo, un membro do padroado da Fundación Juana de Vega e o director/a de a Escola Galega da Paisaxe Juana de Vega, que actuará como secretario/a. A Fundación Juana de Vega, de entre os membros do xurado, nomeará ao presidente do mesmo.

Categoría C)

Dous enxeñeiros de prestixio nomeados pola Fundación Juana de Vega, o Decano/a de o COIIG e o Decano do COIAG, ou persoa en quen delegue, e dous representantes de diferentes ámbitos profesionais relacionados coas intervencións na paisaxe e o territorio, a arte e a cultura. Ademais, formarán parte do xurado, como mínimo, un membro do padroado da Fundación Juana de Vega e o director/a de a Escola Galega da Paisaxe Juana de Vega, que actuará de secretario/a. A Fundación Juana de Vega, de entre os membros do xurado, nomeará ao presidente do mesmo.

INCOMPATIBILIDADE

Non poderán optar ao premio os membros do xurado, os seus asociados e colaboradores de calquera tipo, os empregados e patróns da Fundación Juana de Vega, así como os familiares dos mesmos, calquera que sexa o grao de parentesco.

DOCUMENTACIÓN

As propostas, para cada categoría do premio, deberán acompañarse da seguinte documentación, común a todas as categorías:

- a) Nome do autor ou autores do proxecto e do promotor.
- b) Certificación asinada polos autores na que se dea fe da finalización da obra dentro do prazo establecido no apartado quinto (periodicidade), así como a data de visado e o número de expediente colexial, acompañado do certificado final de obra no caso de que, polo tipo de intervención, se requira visado colexial.
- c) Declaración xurada do autor ou autores sobre os datos económicos obxecto do proxecto ou da intervención na que se indicará o orzamento total de execución da intervención terminada e metros cadrados obxecto da mesma. No caso das categorías B e C do Premio, tamén os metros cadrados construídos totais.
- d) Declaración xurada do autor ou autores na que se dea fe de non incumprir ningún suposto de incompatibilidades sinaladas no apartado anterior.
- e) Breve memoria descritiva da intervención en formato DIN A3 horizontal que conterá, como mínimo, os seguintes aspectos:
 - Texto descritivo da proposta, cunha extensión máxima de 350 palabras, no que se expoñerán os valores do proxecto e a súa achega á paisaxe, xustificando a solución adoptada, a elección de materiais e estratexias de integración da obra na contorna e os criterios de sostibilidade e de eficiencia enerxética empregados.
 - Plano de situación da intervención que permita a súa localización.
 - Fotografías do estado previo ao comezo das obras e do estado final das mesmas.
 - Planos de estado previo e estado proposto, incluíndo plantas, alzados, seccións, detalles construtivos e outra documentación gráfica que se estime oportuna para contar o proxecto.
 - No caso da categoría C, se procede, análise de concas visuais e estratexias de mitigación do impacto paisaxístico.

Toda a documentación deberá presentarse en soporte papel co formato e as dimensións indicadas nos apartados anteriores. Os apartados a, b, c, d poderán entregarse en formato DIN A4 como anexos á memoria.

Ademais, presentarse toda a documentación en soporte dixital, atendendo aos seguintes criterios:

- A memoria e anexos presentaranse en arquivos PDF, debidamente identificados.

- Os planos e fotografías incluídos na memoria entregaranse tamén por separado, dentro dun cartafol, en formato JPG cunha resolución mínima de 300 ppp.

A documentación achegada quedará en propiedade da Fundación Juana de Vega. Igualmente, todo o material gráfico e fotografías estarán libres de dereitos de autor e os concursantes galardoados co Premio ou cun accésit, autorizan expresamente á Fundación Juana de Vega, polo feito de presentar a súa candidatura, a utilizar a documentación gráfica para a edición de publicacións en soporte papel ou en dixital, co obxectivo de difundir os resultados das diferentes convocatorias.

FALLO DO XURADO

O xurado, á vista da documentación presentada, poderá realizar unha selección previa daquelas intervencións ou obras que, considere, reúnen condicións suficientes para optar ao premio, e realizar unha posterior visita ás mesmas. Os premios e accésits poderán quedar desertos se as propostas presentadas non se consideran axustadas aos obxectivos do mesmo.

Unha vez analizadas todas as propostas, as decisións do xurado adoptaranse por maioría simple, sen voto de calidade. As decisións do xurado así adoptadas serán inapelables.

O fallo do xurado farase público a través da páxina web da Fundación Juana de Vega (www.juanadevega.org) e noutros medios. Igualmente, os autores premiados recibirán unha comunicación por escrito na que se lles dará conta da resolución do Xurado.

A entrega do premio realizarase nun acto público que terá lugar na sede da Fundación Juana de Vega, no último cuadrimestre do ano.

ACEPTACIÓN DAS BASES

A simple presentación de propostas para optar ao Premio implica o coñecemento e a plena aceptación das bases da convocatoria.

SEDE

Fundación Juana de Vega
Avenida Salvador Allende, 92. 15176 San Pedro de Nós, Oleiros (A Coruña)
Tel. +34 981 654 637
Email: info@juanadevega.org